

رواية

الترند

AL TEREND

تأليف
محمد منصور الجوهري

المغامرة متعة الحياة لا تخف ولا تتوقف فقط إبدأ
ليست مجرد رواية... إقرأ
توغل... إستمتع



الترند
AL TEREND

الحياة عندما
تريد .. وأنت
عندما ترغب
.. فألى أين
المصير !!!

تأليف

محمد منصور الجوهري

MOHAMED MANSOUR AL GOHARY

ISBN 978-91-89273-77-1



دار نشر رقمة الكتاب العربي -
Stockholm



دار نشر رقمة الكتاب العربي - ستوكهولم

رواية

#التزند

من تأليف

محمد منصور علي سلامه الجوهري

إهداء

إلى أمي وأبي وما رأيت أعلى منهما في هذه الحياة

رحمة الله عليهما وجعل قبرهما نورا بعفوه وكرمه

وبرحمته التي وسعت كل شيء

.....

الكتاب: ترند

المؤلف: محمد منصور الجوهري

الطبعة الأولى 2020

ISBN: 978-91-89273-77-1

الإيداع القانوني لدى المكتبة الملكية السويدية: 2020-12-02-17-18

الناشر: رقمنا الكتاب العربي- ستوكهولم

السويد، فاسترا جوتالند

هاتف: 0046790185518

البريد الإلكتروني:

digitizethearabicbook@hotmail.com

جميع الحقوق محفوظة لدى دار رقمنا الكتاب العربي-ستوكهولم، لا يسمح بإعادة إصدار هذا الكتاب أو أي جزء منه، أو تقليده، أو تخزينه في نطاق إستعادة المعلومات، أو نقله بأي شكل من الأشكال، دون إذن مسبق من الناشر.

إن جميع الآراء الواردة في هذا الكتاب تعبر عن رأي الكاتب ولا تعبر بالضرورة عن رأي الناشر. والمؤلف هو المسؤول عن المحتوى.



تمهيد

بتتکلم الرواية عن شاب عنده طموح عالي جدا لدرجة انه أعجب بكلمة الترنند لأنه دائما بيحب يطلع الأول في كل شيء , طبعا بيمر بأحداث كثيرة إلى أن يصل للمحطة الأخيرة والمشهد الأخير في الرواية اللي من خلاله بنعرف أد أيه حبه أو كرهه لهذه الكلمة الذي يردد ها كل الناس في هذه الآونة وخاصة على من يشتهر منهم بمواقع التواصل الاجتماعي ويا هل يا ترى هيبقى الترنند ولا مش هيبقى الترنند خرينا نتابع

نقرأ ونشوف أيه اللي هيحصل لهذا الشاب

إستمعوا

- نهاراً بملعب كرة قدم خماسي يلعب بالملعب فريقين يرتدي فريق منهم اللون الأصفر يرتدي الفريق الآخر اللون الأزرق يلعب حارس المرمى الكرة في منتصف الملعب يستلم رؤوف الكرة يستدير بها مراوفاً لاعب قادم نحوه يتجه بها ناحية مرمى الخصم يشير له ماجد الذي يجري على يمينه

ماجد : أيوه يا رؤوف باصي أنا معاك باصي يا ابني باصي

يتجاهل رؤوف نداء ماجد يقترب من المرمى يسدد الكرة بكل قوة تسكن الكرة الشباك محرزاً هدفاً رائعاً يقترب منه زملائه مهنيين إياه بالأحضان والقبلات

يقترب منه ماجد مقبلاً إياه على خده وهو يلتقط أنفاسه بصعوبة متعباً يتجه رؤوف ناحية دائرة خط السنتر وهو بكامل صحته ونشاطه ينظر إليه ماجد متعجباً ناظراً إلى ملامح وجهه المبتسمة يعود اللاعبون لأماكنهم كل فرقة في منتصف ملعبها يصفر الحكم يسنتر الفريق الأزرق الكرة متجهين نحو منتصف ملعب الأصفر

يخرج الفريق الأصفر والفريق الأزرق من الملعب سوياً بعد انتهاء المباراة يتحدث أحد لاعبي الفريق الأزرق أثناء خروجه بجوار ماجد ورؤوف

أحد لاعبي الفريق الأزرق : حظكو عالي أوي نتغلب كدا بالأونطه

يرد عليه رؤوف ضاحكاً متهكماً

رؤوف : وانت الصادق باللياقه والحرفنه

يكمل ماجد ضاحكاً متهكماً

ماجد : على فكره لو الحظ لعب معنا مره مش هيلعب كل مره

يعقب عليه رؤوف متحمساً

رؤوف : صح كلامك يا ماجد

يرد عليهم لاعب آخر من لاعبي الفريق الأزرق

لاعب آخر من الفريق الأزرق : يا سيدي المره الجايه نغلبكو ونروق عليكو

يرد عليه رؤوف ضاحكاً متهكماً

رؤوف : بإذن الله مش هيحصل وعند أم تتر

- نهاراً بساحة الخروج من ملعب الكرة الحماسي وحتى الشارع يخرج رؤوف من الملعب مرتدياً

تريينج وحقيبة رياضية على كتفه بكامل صحته لا يبدو عليه التعب يخرج رفقته ماجد مرتدياً تريينج

وعلى كتفه الحقيبة الرياضية متعباً ومازال يلتقط أنفاسه متسائلاً

ماجد : نفسي أفهم إنت بتبذل مجهود كبير في الملعب ومش باين عليك إرهاق ولا تعب نهائي

يضحك رؤوف مجيباً بتعالي وكبرياء

رؤوف : يا ابني دي سر الخلطه

يضحك ماجد وهو مازال متعباً متسائلاً

ماجد : طب متحن عليا وتعرفهالي

يمد رؤوف يده في جيب بنطاله مخرجاً برشامه مستطيلة بيضاء معطياً إيها إلى ماجد

رؤوف : خد البرشامه دي هتفرمطك وتزقظطك وهتخلي مزاجك في العالي لدرجة إنك لو شلت

جبل مش هتحمس بيه

يأخذها منه ماجد متمعناً وناظراً إلى البرشامه مقلبا إيها في يده

تعقب عليه أسيل متسائلة بقلة حيلة وتعجب

أسيل : أول مره أسمعك تتكلم بالشكل ده والطريقه دي انت مش ماجد اللي أنا أعرفه

يرد عليها ماجد بهدوء مبتسماً

ماجد : لا أنا متقلقيش بس مزاجي حلو شويه وبعدين متحطيش في دماغك المهم انتي أخبارك

أيه وحشتيني والله وحشتيني جداً

تبتسم أسيل رويداً رويداً معقبة

أسيل : لو كنت وحشتك بصحيح بدل ما تروح تلعب كوره كنت المفروض تسأل عليا

يضحك ماجد ضحكة خفيفة معقياً

ماجد : هوا أنا روحت فين ما أنا معاكي وبين أيديكي أهوه ولا طلعي جناحات وطرت ولا جالي

تأشيريه وسافرت

تعقب عليه أسيل بنفاذ صبر محاولة الوقوف لترك المكان

أسيل : تاني هتتكلم باللغه دي لو اتكلمت معايا كده تاني هسيبك وأمشي

يمسك ماجد يدها مجلساً إياها

ماجد : خلاص خلصنا أقعدي مش هتتكلم كده تاني أقعدي بقي

تجلس أسيل على الكرسي آخذه نفساً عميقاً يقترب عامل الكافية سعد منهما حاملاً صينيه

عليها كوبين من عصير البرتقال واضعاً إياهما على الطاولة أمامهما واضعاً يده في جيبه مخرجاً

ورقة سوليفانية ملفوفة مائلاً على أذن ماجد معطياً إياها الورقة السلوليفانية مبتسماً ابتسامه

عريضة

العامل سعد : اتفضل اصطف جديد يخليك زي الحديد

يأخذها منه ماجد بجذر واضعاً إياها في جيب بنطاله غامزاً له بعينه في ظل ملاحظة أسيل له

ماجد : طيب ماشي روح انت يا سعد دلوقتي يلا روح

تقف أسيل منزعجة متفهمة ما يحدث فتحدثه أثناء وقوفها بغضب

أسيل : مالك كدا ملبوخ على عينك مزتي وبطير وتأشيره واصطف وروح انت يا سعد أنا مقدرش

أرتبط بمتعاطي مخدرات إوعي تفتكر إني ما أخذتش بالي

يتسائل ماجد محاولاً منعها من ترك المكان

ماجد : وعرفتي منين إني متعاطي مخدرات يا أسيل

ترد عليه أسيل أثناء مغادرتها

أسيل : واضحه جدا ولا أقولك إسأل سعد سلام يااااا جميل

تغادر أسيل المكان غاضبة ينادي عليها ماجد متوسلاً

ماجد : استني بس يا أسيل استني أرجوكي

يضرب ماجد يده في الطاولة منفعلاً لما يحدث مكماً

ماجد : الله يخرب بيتك يا سعد

- نهاراً بقاعة المحاضرات بكلية التربية الرياضية ينتهي الدكتور الجالس أمام مدرج الطلبة من الشرح

الدكتور : وبكده أكون انتهيت من آخر درس في المنهج أتمنى منكو تذاكرو وتجتهدو علشان

الامتحان قرب ومفيش وقت وإلى لقاء

يقف الدكتور يللم أوراقه يضعها في حقيبته يحمل الحقيبة منصرفاً خارجاً من القاعة تنصرف

الطلبة جميعها ما عدا نادر وماجد مازلا يجلسان بالقاعة بمفردهما يلاحظ نادر تغيرات على وجه

ماجد وخاصة لعبه الكثير في هاتفه

نادر : أياه يا عم ماجد مالك متغير ليه ومبتعديش عليا ليه كالعاده أفهم بس سبب اختفائك ده يا

حاج ماجد إنت مش معايا ولا أياه

ينظر إليه ماجد منتبها منكمش الوجه والتعبيرات مضطربة

ماجد : مفيش بس شوية ظروف يا نادر وشويه كدا وهتضطبط متشغلش بالك انت بس

يرن جرس هاتف ماجد يفتح ماجد الخط

ماجد : أيوه يا رؤوف جايلك حالا دا أنا دماغي هتروح مني وهتتفرتك

يلاحظ نادر حديث ماجد في الهاتف يغلق ماجد الهاتف يتسائل نادر بغضب وانفعال ماسكاً ذراع

ماجد من ناحيته

نادر : انت بتتعاطى مخدرات يا ماجد صح شكلك باين عليه وتصرفاتك كمان باين عليها من

ساعة ما شوفتك وواضح أوي عليك

يزيح ماجد يد نادر بعيداً عنه منفِعلاً

ماجد : سبني في حالي محدش له دعوه بيا أنا حر أعمل اللي نفسي فيه محدش بيديني حاجه من

جيبه

يرد عليه نادر معاتباً منصرفاً خارجاً من القاعة

نادر : مليش دعوه بيك اذاي أنا زميلك وصاحبك اللي انت بتعمله ده غلط وانت كدا بتدمر

نفسك عموما مينفعش معاك الكلام اللي يشتري مخدرات يبيع رجولته وحبايه واصحابه وزمايله

وكل الناس علشانها سلام يا زميل

يضع ماجد جيبه على البنج مستسلماً يائساً

- ليلاً بصالة شقة ماجد يدفع ماجد باب الشقة داخلاً إلى صالة شقته مغلقاً الباب غير واعياً
وتائهاً من شرب المخدرات ينتبه لوجوده والده عفت واقفاً أمامه وكأنه ينتظره صافعاً إياه بكف
يده على وجهه

عفت : انت جيت يا خايب الرجا

يدقق ماجد النظر في والده يؤكد والده عفت الكلام صافعاً إياه بالكف على وجهه بينما ينظر
ماجد إليه واضعاً يده على خده ناظراً إلي والده نظرة خوف وارتباك وقلق

عفت : أيوه خايب الرجا نفسي أعرف أيه اللي بيأخرك لدلوقتي انت عارف الساعه بقت كام
نفسى أفهم هتفتح كتاب وهتذاكر امتى ولا انت خلاص نسيت ان إنت في الكليه ومطلوب
منك النجاح مينفعش أنا أتعب علشانك وأشتغل وأجييلك فلوس وتيجي إنت بعد كده تضيع
كل تعبي

تخرج والدته ثريا من باب حجرة النوم متجهة نحو ابنها ماجد مهدئة والده عفت باعدة ماجد
عنه متجهة ناحية باب حجرة ماجد

ثريا : خلاص يا عفت ماجد ما أجرمش يعني لكل ده

يرد عليها عفت معاتباً بلهجة شديدة

عفت : البيه سرقني وراج جاب بفلوسى مخدرات يا ثريا بطلي دلحك فيه هو اللي ضيع الدنيا يا
ثريا

تقف ثريا للحظات مقررة متأثرة

ثريا : ابني متري يا عفت ولو هوا بيعمل كدا فعلا لازم نقف جانبه ونعالجه ونوقفه على رجله دا
واجبنا مش نضربه ونهينه

تستمر ثريا رفقة ابنها حتى دخلت من باب حجرة نوم ماجد يجلس عفت على الكرسي مرتقياً في

ظل متابعتة لثريا وماجد أثناء دخولهما الحجرة

- ليلاً بحجرة نوم ماجد تجلس ثريا بجوار ابنها ماجد على حافة السرير متحدثة معه برفق ولين

ثريا : صحيح انت بتشرب مخدرات يا ماجد قولي يا ابني وصارحني

ينظر إليها ماجد مزمهاً

ماجد : ما بابا قالك وانتهينا يا ماما

تنظر إليه ثريا بغضب

ثريا : اتكلم بأدب علشان نحل المشكله اللي انت فيها عايزاك توعدني انك تبعد عن المخدرات

دي نهائي وكفايا اللي حصل

يرد عليها ماجد بقلة حيلة ونفاذ صبر

ماجد : حاضر أوعدك يا ماما متقلقيش هبطلها

تتسائل ثريا بتركيز ونظر في عيني ماجد

ثريا : انت بتشرب مخدرات من امتي يا ماجد

يرد عليها ماجد بهدوء

ماجد : بقالي شهر تتسائل ثريا مطمئنة

ثريا : وكنت بتشرب مع مين

يرد عليها ماجد بنفاذ صبر

ماجد : يووووووه بقي يا ماما أنا مش وعدتك اني هبطلها لازمته أيه بقي الأسئلة دي كلها

إحنا مش في امتحان آخر السنه

ترد عليه ثريا معقبة

ثريا : طيب طيقوم يالا خودلك دش وفوق كده وصلي ركعتين لوجه الله واطلب من ربنا يتوب

عليك من السكه الشمال دي دي سكة اللي يروح ميحيش قوم يا ابني قوم

يرد عليها ماجد بهدوء

ماجد : حاضر يا ماما حاجه تاني

تقف ثريا من مكان جلوسها على حافة السرير

ثريا : لا يا حبيبي تسلم وربنا يهديك ويبعد عنك ولاد الحرام

تخرج ثريا من الحجرة مغلقة الباب خلفها في ظل ترقب من عيني ماجد يخرج ماجد فور خروج

والدته من الحجرة هاتفه المحمول من جيب بنطاله طالباً رقم رؤوف فاتحا عليه رؤوف الخط

ماجد : انت فين يا زفت دماغي هتتفرتك ومش عارف أعمل أيه

يرد عليه رؤوف بصوته متقاعساً

صوت رؤوف : معاك يا برنس وتحت أمرك بس المطلوب محتاج للمعلوم

يعقب عليه ماجد باستعطاف

ماجد : يا أخي متخليها عليك المرادي ما أنا ياما جبتلك وما أخذتش منك حاجه

يرد عليه رؤوف بصوته متأزماً

صوت رؤوف : منين يا حسره ما انت عارف البير وغطاه أنا يدوب بجيب مزاجي بالعافيه

بنتش هنا وهنا لحد ما أجيبه بقولك أيه ما نتش أنت كمان

يرد عليه ماجد متأزماً ماسكاً رأسه يده اليسرى من الوجع

ماجد : أنتش أيه بس بابا كشفني ومفيش مكان تاني أجيب منه

يضحك رؤوف ضحكات تكلم معقباً

صوت رؤوف : إذاي بقى دا الخير كله عندكو شوف أنا هرسيك ممكن تاخذ أي حاجه تبيعها

ومن غير من شاف ولا من دري

يرد عليه ماجد معقباً بشرود

ماجد : إذاي مش فاهم

يرد عليه رؤوف ناصحاً

صوت رؤوف : يعني فاطه صغيره على جانب أو برواز محدش واخذ باله منه أو خاتم من

مجوهرات مامتك تكون راكتناه أو أي حاجه رفيهه تبيعها وتشتري بتمنها مزاجك يا معلم

- ليلاً بصالة شقة ماجد تجلس ثريا بجوار زوجها عفت على الكنبه الموضوع بجوار حائط وأمامها

التلفاز مفتوح ولا صوت له يكمل عفت حواره عما دار بين ثريا وماجد بحجرة نوم ماجد

عفت : وبعدين أيه اللي حصل يا ثريا

ترد ثريا متحمسة ومطمئنة

ثريا : وبعدين وعدني إنه هيبعد عن السكه دي وهيبقى إنسان جديد

يعقب عليها ماجد متسائلاً

عفت : وتفتكري مش محتاج نوديه مستشفى يتعالج

ترد عليه ثريا مطمئنة

ثريا : لا ما اعتقدش انه لازم يروح مستشفى لانه بقاله فتره قريبه يبشرب

يرد عليها عفت معقباً

عفت : وانتي بقى بقيتي دكتوراه وعرفتي انه مش لازم يا ثريا لازم ناخد ابنك مستشفى لعلاج

الادمان نطمن عليه بدل ما يروح مننا بطلي تدلعيه دلحك ده اللي وداه في داهيه

ترد عيه ثريا معقبة بضيق

ثريا : هيا مش مسئوليتي لوحدي يا عفت انت كمان مسئول معايا

يعقب عليها عفت متسائلاً

عفت : تقصدي أيه من كلامك ده يا ثريا

تجيبه ثريا واقفه من مكان جلوسها متجهة ناحية حجرة نومها فاتحة باب الحجرة وداخلة منه

ثريا : يعني لازم احنا الاتنين نتكاتف ونقف جانب ابنا ونوصل بيه لبر الأمان دا ابنا يا عفت ولا

انت مش واخذ بالك

يرد عليها عفت بقلة حيلة

عفت : واخذ بالي واخذ يا ثريا واخذ

- ليلاً بأحد الشوارع الجانبية يقف بائع المخدرات جانباً يقترب منه ماجد ورؤوف ينتبه بائع

المخدرات لهما يقترب من رؤوف بجذر والتفاف حوله يمد يده لرؤوف بورقة سلوفانية اللون

بائع المخدرات : المعلوم يا معلم فين الفلوس بسرعه

يعطيه رؤوف تمن المخدرات آخذاً منه الورقة السلوفانية فاحصاً إياها يأخذ بائع المخدرات

النقود عاداً إياها ناظراً إلى رؤوف مبتسماً

بائع المخدرات : مظبوط يا معلم

يرد عليه رؤوف مبتسماً

رؤوف : والمصلحه مظبوطة يا معلم

ينصرف بائع المخدرات مسرعاً متوجهاً نحو شاب يركب موتسيكل راكباً ورائه منطلقين بالموتسيكل

يلاحظ ماجد بعينه تصرفات بائع المخدرات مائلاً على رؤوف متسائلاً بصوت منخفض

ماجد : هوا مستعجل كدا ليه

يرد عليه رؤوف ضاحكاً متهكماً

رؤوف : يا ابني ده مبيعش جوافه دا بيع مخدرات والحكومہ مشدده تشديد من حديد وصعب

جدا تلاقي مصلحه اليومين دول

يعقب ماجد على حديث رؤوف قلقاً متخوفاً

ماجد : طيب يلا بينا زوجان من هنا لنروح في كلبوش

يرد عليه رؤوف منصرفين من المكان

رؤوف : يلا بينا يا معلم

- لياً بصالة شقة ماجد تجلس ثريا على الكنبه الموضوعه بجوار الحائط وأمامها التلفاز تشاهد

برنامج للحظات يدخل ماجد من باب الشقة حاملاً بيده اليمنى ملخص ومذكرة

ماجد : سلام يا ماما

تمسك ثريا الريموت موجهة إياه نحو التلفاز مخفضة الصوت تضع الريموت بجوارها تنظر إليه ثريا

ساكنة أثناء مروره من امامها نظرة غضب ينتبه ماجد لنظراتها مستمراً في السير غير مبالي تستوقفه

ثريا بصوت عالي

ثريا : يا ماجد ماجد

يقف ماجد ونظره في اتجاه باب الدخول لحجرة نومه تناديه ثريا بغضب ونفاذ صبر

ثريا : تعالى عايزاك

يستدير ماجد بوجهه منتبهاً لمنادتها ثم مستديراً بجسده متجهاً نحوها جالساً بجوارها ملقياً الملخص

والمذكرة على الكنبه بجواره

ماجد : خير يا ماما فيه أيه بتزعأي ليه وبتنادي عليا بالطريقه دي ليه ما انتي شايفاني راجع من

المذكرة أهوه

تتضح ثريا بجانبه ناظره له في عينيه متحدثه

ثريا : هات عينك في عيني كده واحلف انك ما أخذت الخاتم الذهب بتاعي اللي كنت خطاه

في النيش مع بقيت الذهب

يضحك ماجد متهمكما يبدو عليه علامات الارتباك

ماجد : خاتم أيه وبتاع أيه وأنا يعني لو أخذت الخاتم هسيب بقيت الذهب ليه لما أنا حرامي

بالشكل ده

تعديل ثريا نفسها على الكنبه شاردة يكمل ماجد حديثه محاولاً التماسك أثناء أخذه للملخص

والمذكرة واثناء سيره في اتجاه باب حجرته حتى الدخول من الباب وغلقه إياه

ماجد : قبل ما تتهميني اتأكدي الأول ودوري على الخاتم كويس يمكن يكون هنا ولا هنا

تكمل ثريا حديثها دون تحدث بالكلام شاردة

ثريا : مش عارفه أصدقك ولا أصدق إحساسي خوفي لتكون رجعت تشرب مخدرات تاني

تمسك ثريا الريموت توجهه ناحية التلفاز تعلق صوت التلفاز مكتملة مشاهدة البرنامج التي

كانت تشاهده

- ليلاً بمحل مجوهرات يقف بائع الذهب خلف البنك الرخامي منتظراً زبائنه تدخل من باب المحل

ثريا متوجهة نحو البائع واقفة أمامه

ثريا : سلامو عليكو

يرد عليها البائع مبستماً

بائع الذهب : وعليكم السلام ورحمة الله أهلا بيكي يا مدام ثريا حمد الله ع السلامه

ترد عليه ثريا مبتسمة

ثريا : الله يسلمك يا ترا أسعار الذهب النهارده أیه

يجيبها البائع مبتسماً متعجباً

بائع الذهب : هتشتري ولا هتبيعي

ترد عليه ثريا متعجبة

ثريا : هتشتري طبعاً هبيع ليه

يرد عليها بائع الذهب متعجباً

بائع الذهب : علشان العمليه اللي حضرتك هتعملها

تتسائل ثريا متعجبة

ثريا : عملية أیه مش فاهمه ممكن تفهمني فيه أیه

يجيبها البائع قلقاً في ظل تركيز من عيني ثريا له تستمعه بإنصات

بائع الذهب : مفيش أصل ابنك ماجد جالي من يومين الخل وعرض عليا خاتم ذهب أشتريه فلما

سألته عن الفاتورة بتاعته قالي إن حضرتك ضيعتي الفاتوره وقالي انه ضروري أشتريه منه علشان

يدفع للمستشفى بقيت فلوس العمليه اللي حضرتك هتعملها

تعقب عليه ثريا متسائلة مبتسمة رويداً رويداً

ثريا : آه فعلاً فعلاً أنا اللي بعته بس أصلي كنت حابه أعرف هوا اتصرف إذاي

يتسائل ماجد متضايقاً

ماجد : أيه يا ستي ما بتريش عليا بسرعه ليه مش يجوز محتاجلك

ترد عليه أسيل متضايقة

صوت اسيل : وتحتاجني ليه اللي بينا خلص خلاص واحد بتشرب مخدرات بتدمر في نفسك

ومبتحهاش يبقى بزمتك هتجيني إذاي

يتحدث ماجد في الهاتف مه أسيل حبيبتة واعدًا

ماجد : صدقيني يا أسيل أنا بقيت إنسان كويس وحتى اتصلي على ماما اسألها

تتسائل أسيل متعجبة

صوت اسيل : هيا مامتك عرفت إنك بتشرب مخدرات

يرد عليها ماجد بنفاذ صبر

ماجد : أيوه يا ستي عرفت ووقففت جانبي وشجعتني أبعد عنها

تتسائل أسيل متهكمة

صوت أسيل : ويا ترا بعدت

تدخل ثريا الحجرة بذات الملابس التي كانت بها بمحل المجوهرات ينتبه لها ماجد مقترباً منها بالهاتف

واقفاً أمامها مكتملاً حديثه مع أسيل معطياً الهاتف لوالدته

ماجد : طيب شوفي من حسن حظي وحظك ماما جت من برا أهني خدي بقي اسألها في اللي

تجيبه

تأخذ منه ثريا الهاتف مشيرة له بيدها عن المتحدث

ثريا : أيوه مين معايا

ترد عليها أسيل مرحبة متسائلة

صوت أسيل : أيوه يا طنط أنا أسيل

ترحب بما ثريا متجهة ناحية حافة السرير جالسة عليه وماجد متبعاً لها جالسا بجوارها

ثريا: أهلا يا أسيل يا بنتي أخبارك أيه يا حبيبي

ترد عليها أسيل متسائلة

صوت أسيل : أنا تمام يا طنط حابه أسئلك عن ماجد معلىش يعني هوا سؤال رزل شويه ممكن

تجاوبيني عليه

ترد عليها ثريا وهي جالسة على حافة السرير بجوار ابنها ماجد

ثريا : اتفضلي يا بنتي اسألني عنيا ليكي

تتسائل أسيل مترددة

أسيل : هوا صحيح ماجد بطل يشرب مخدرات

تضحك ثريا متعجبة

ثريا : انتي كمان عرفتي انه بيشرب زفت مخدرات

ترد عليها أسيل معترضة

أسيل : متزعليش مني يا طنط أنا من ساعة ما لاحظت عليه بعدت عنه فورا بس هوا دلوقتي

راجع يكلمني وبيقول انه بطلها صحيح بطلها فعلا ولا مجرد كلام

ترد عليها ثريا ناظرة إلى عيني ماجد

ثريا : أعتقد انه بطلها لأنه واعدني بده ربنا يهديه يا بنتي ويهدينا جميعا

ترد عليها أسيل منتشية

أسيل : ربنا يطمئن قلبك يا طنط كدا هتجبريني أرجع أكلمه تاني سلام يا طنط

ترد عليها ثريا بهدوء

ثريا : مع السلامه يا بنتي

يأخذ ماجد منها الهاتف متسائلاً

ماجد : أيه يا ماما ردت عليكي وقالتيك أيه

تنظر إليه ثريا بغل يتسائل ماجد دون انفعالات

ماجد : بتصيلي كدا ليه يا مام كأي قتلتك قتيل

تتسائل ثريا بغيظ ونفاذ صبر

ثريا : سرقت الخاتم ليه يا ماجد

يكاد أن يتكلم ماجد توقعه ثريا مكلمة بنفاذ صبر

ثريا : أنا هقولك سرقت ليه علشان تكمل شرب مخدرات مش كده اسمع يا ماجد مش

هقولها لك تاني بطل شرب مخدرات واسترجل عيب أوي في حق نفسك اللي بتعمله مش

شطاره دي خيابه وقلة أدب إرجع عن الطريق ده أنا مش هقول لوالدك على اللي حصل منك

ومش هسمع منك وعد أنا مستنيه رد فعلك وهشوف إذا كنت هتطلع راجل ولا لا

تقف ثريا من على حافة السرير متجهة ناحية باب الخروج من الحجرة

ينظر إليها ماجد شارداً دون انفعالات

- نهاراً بحجرة مدير الأمن يجلس مدير الأمن على مكتبه يفحص بعينه بعض الملفات الموضوعه

أمامه يرن جرس التليفون الأرضي الموضوع أمامه ينتبه إليه مدير الأمن ماداً يده نحو التليفون

ملتقطاً سماعته مستمعاً لوزير الداخلية

صوت وزير الداخلية : ألو معاك وزير الداخلية

يرد عليه مدير الأمن بانتباه

مدير الأمن : معاك مدير الأمن يا فندم سامع معاليك اتفضل يا فندم أوامر معاليك

يأمره وزير الداخلية ببعض الأوامر مشدداً

صوت وزير الداخلية :عايز معاليك تصدر أوامرك للساده ضباط الأقسام وتشدد عليهم بضبط

الخارجين عن القانون وخاصة اللي يسرقو ويهددو أمن المواطن لأنهم أخطر ناس على مجتمعنا

وتؤمرهم بعمل كشف يومي تبعتهولي بالمضبوطين سواء تنفيذ الأحكام أو المقبوض عليهم في

حالة تلبس أو الصادر بشأنهم ضبط وإحضار من النيابة العامة المواطن أهم حاجه عندنا ولازم

يشعر بالأمان في كل وقت وفي كل مكان

يرد مدير الأمن منصاعاً للتعليمات

مدير الأمن : طبعاً معاليك المواطنن ثم المواطن وربنا يعينك يا فندم

يرد عليه وزير الداخلية بصرامة

صوت وزير الداخلية : المواطن المطمئن في بلد مطمئن

يرد عليه مدير الأمن بانصياع

مدير الأمن : مطبوظ معاليك حالا يا فندم هتصل بكل الأقسام وبنفسي أبلغهم تعليمات

معاليك ألف سلامه معاليك اتفضل معاليك اتفضل اتفضل

يغلق مدير الأمن التليفون فاتحاً درج المكتب مخرجاً منه ورقة مكتوب فيها أرقام تليفونات ضباط

مباحث أقسام المحافظة يتصل مدير الأمن التليفون الأرضي بأول قسم يرن جرس التليفون يرد

على التليفون ضابط مباحث بصوته

صوت ضابط المباحث : مين معايا يا فندم

يرد عليه مدير الأمن بصرامة

مدير الأمن : معاك مدير الأمن

يرد عليه ضابط المباحث بانصياح وترحيب

صوت ضابط المباحث : أهلا بيك يا معالي الباشا أو مرني معاليك وأوامر معاليك تنفذ في الحال

يقاطعه مدير الأمن بصرامة وشدة

مدير الأمن : مش وقت ترحيب دلوقتي حابب تبلغني كل يوم بكشف عن أسماء المضبوطين على

ذمة قضايا أو على ذمة أحكام وعائزك تشد حيلك شويه على مرتكبي وقائع السرقات لأنهم

أخطر شيء على المجتمع

يرد عليه ضابط المباحث معللاً مبرراً

صوت ضابط المباحث : علم وينفذ في التو والحال يا فندم أوامر تانيه معاليك

يرد عليه مدير الأمن مغلقاً التليفون الأرضي

مدير الأمن : عائزك تشد حيلك وتسمعي أخبار حلوه ألف سلامه

- نهاراً بأحد الكافيهات يجلس ماجد على أحد الطاولات منتظراً قدوم أسيل يأتي إليه عامل

الكافيه مبتسما

عامل الكافيه : تشرب حاجه ولا نستني شويه

يرد عليه ماجد مبتسما ابتسامه مصطنعة

ماجد : عائز قهوه فاتحه ع الريحه وتجيبيها في كوبايه لو سمحت مش فنجال

يكتب العامل طلب ماجد في ورقة مبتسماً ابتسامه عريضة بعد كتابته الطلب

عامل الكافيه : تؤمرني بحاجه تانيه

يرد عليه ماجد مبتسماً ابتسامه مصطنعة

ماجد : لا شكرا

ينصرف عامل الكافيه ينظر ماجد في ساعة اليد معقياً محدثاً نفسه بصوت مسموع

ماجد : هيا الساعه مآخره ولا أنا جيت بدري ولا آيه يخرب بيت الحب وسنينه واللي عايزينه

يأتي عامل الكافيه حاملا صينية عليها كوباً من القهوة وكوباً من الماء يقترب رويداً رويداً من

الطاولة الجالس عليها ماجد الذي ينظر تجاه نافذة الكافية المطلة على الشارع غير مبالياً

يقف العامل أمام الطاولة واضعاً كوب الماء ثم كوب القهوة مبتسماً

عامل الكافيه : أحلى كوباية قهوه وزى ما طلبت

يرد عليه ماجد منتبهاً ملتفتاً إليه عقب نظره على النافذة

ماجد : شكرا ياريس ألف شكر

ينصرف العامل ينظر ماجد في ساعة اليد مرة أخرى معاتباً نفسه بصوت مسموع

ماجد : أنا اللي جبت ده كله لنفسى مكنت عايش مرتاح من غير حب كان لازمته آيه بس

تظهر أسيل قادمة من وراء النافذة يلاحظ ظهورها ماجد مبتسماً آخذاً نفساً عميقاً متتبعاً دخولها

الكافيه تدخل أسيل من باب الكافيه المواجه لجلوس ماجد يشير لها ماجد أثناء جلوسه تنتبه له

متوجهة نحوه دون إظهار أية انفعالات على وجهها تقترب من الطاولة رويداً رويداً تصل للطاولة

جالسة عليها دون مصافحة لماجد يتسائل ماجد متعجباً مما بدر منها

ماجد : آيه يا بنتي أول مره تيجي تقابليني ومتسلميش عليا فيه آيه مالك ووشك متغير ليه أنا

على فكره منتظرك بقالي فتره كبيره وكنت خلاص هقوم أمشي متنطقي يا بنتي ساكنه ليه

ترد عليه أسيل بانفعال منتقدة

أسيل : اسمع يا سي ماجد أنا كثير اتحملتك وكثير نصحتك لكن يظهر إن مفيش فايدة منك

يتسائل ماجد بقلق

ماجد : هوا أيه اللي حصل مني بس علشان دا كله ما إحنا كويسين مع بعض يا بنت الحلال

وسمن على عسل

تقاطعه أسيل معترضة

أسيل : ولا سمن على عسل ولا سمن على فطير

يقاطعها ماجد متسائلاً بقلق

ماجد : والله ما أنا فاهم حاجه أيه الألباز بتاعتك دي ممكن تفهميني فيه أيه

ترد عليه أسيل موضحة بانفعال واقفه من مكان جلوسها في ظل ملاحظة عمال الكافيه

أسيل : لما كل الناس تقول عليك شمام وبودرجي و برشامجي وأصدقك أنا يبقى أنا مغفله

ومبفهمش لأني اخترت إنسان غلط علشان أعيش معاه وأنا قولتها لك قبل كده أنا مش ها أقدر

أعيش مع واحد يدمر في نفسك قولي كده هتحافظ عليا إذاي وانت بالشكل ده قوم بص لنفسك

في المرايه انت مش ماجد اللي أنا حبيته إنت شيطان

ينادي عليها ماجد محاولاً اللحاق بها

ماجد : استني بس يا أسيل استني اسمعيني

يلاحظ ماجد تجمع عمال الكافيه ونظرات المحيطين من الجالسين على الطاولات يحدثهم مبرراً

ماجد : ايه يا جماعه محصلش حاجه اتنين بيعبو بعض وزعلانين شويه مفيهاش حاجه يعني

- ليلاً بالشارع أمام العماره الموجود فيها شقة أسيل يسير ماجد في اتجاه العماره مرتدياً ثياب جيدة

يلاحظ وجود زينة و لمبات ملونه معلقة على العماره الموجود فيها شقة أسيل يتسم منتشياً

متفائلاً محدثاً نفسه دون إصدار صوت

ماجد : يا سلااااام زينه ونور وطبق بنور هوا ده يارب تكون بشرة خير عليا وعليكي يا اسيل

يقترب ماجد رويداً رويداً من باب العماره يدخل من باب العماره يتلاشي

يصعد ماجد على درجات سلم العماره الموجود فيها شقة أسيل يصعد ماجد درجات السلم ناظراً

لحبل النور الملون على السلم والموصل لأعلى متخللاً الصاعدين والنازلين على درجات السلام

من الرجال والنساء والأطفال حتى وصل للدور الأول العلوي بالساحة الخالية أمام شقة أسيل

مستديراً يميناً موقفاً أحد المعازيم سائلاً إياه

ماجد : هوا مين بيتجوز

يرد عليه أحد المعازيم تاركاً إياه نازلاً على درجات السلم

أحد المعازيم : دا مش جواز دي خطوبه أسيل على فؤاد ابن حموده الجزار

يضع ماجد يده على رأسه مصدوماً متقدماً بعض الخطوات داخلاً الشقة

- ليلاً بصالة شقة أسيل يدخل ماجد من باب الشقة إلى داخلها على وجهه الزهول والحسره

وعينه تدمعان أثناء مشاهدته لأسيل وهي جالسة على الكوشة بجوار عريسها فؤاد يقترب من

الكوشة رويداً رويداً تنتبه له أسيل محدقة عينيها يقترب ماجد منها أكثر فأكثر ببطء يمد يده

نحوها محاولاً لمسها والدموع تسيل على خديه ينتبه لوجوده فؤاد واقفاً مانعاً إياه من التقدم

نحو خطيبته أسيل منادياً على رجاله أثناء غرغرة عيني أسيل بالدموع

فؤاد : يا رجاله تعالو خدو النطع ده مشوه من هنا وارموه في الشارع

يمد ماجد زراعته من فوق زراع فؤاد محاولاً لمس أسيل يدفعه فؤاد بجسده الثمين للأمام يقترب

منه رجال فؤاد يصطحبونه بالقوة خارجين به من باب الشقة تتابعه أسيل بعينها مغرغرة

بالدموع تمسح دموعها أثناء استدارة فؤاد وجلسه بجوارها

فؤاد : ميه ميه رجالي دول بزمتك مش يستاهلو مكافئه

- ليلاً بالشارع أمام العماره الموجود فيها شقة أسيل يخرج رجال فؤاد من باب العماره ممسكين

ماجد من زراعته ملقيين به بقوة في الشارع يكاد أن يصدمه تك تك متأوها من إلقاءه على الأرض

ماجد : آه آه بتعملو فيا كدا ليه أسيل دي بتالعي وأنا بجبها آه آه يا ضلوعي

يعود رجال فؤاد للعمارة داخلين من بابها الرئيسي ينظر ماجد إلى شرفة شقة أسيل وهو مرتمي

على الأرض والدموع تسيل من عينيه واقفاً ببطء منادياً بصوت عالي انتبه له الجاورين

ماجد : يا أسيل متسبنيش يا أسيل بجبك يا أسيل بجبك وانتي كمان بتحبيني انتي بتغالطي نفسك

وبتعاندي روحك تعالي متسبنيش حراااااا حراااااا يا ناس قولوها تفكر تاني قولوها ترجع

ملكاتها من تاني أنا بجبها وهيا بتحبني يا أسiiiiiiiiiiiiiiيل

يندهش له الجاورين ناظرين إليه نظرة شفقة وعطف

- ليلاً بحجرة نوم أسيل تدخل أسيل إلى حجرتها مغلقة الباب خلفها وهي ترتدي فستان

الخطوبة باكية مرتمية على سريرها تدخل خلفها والدتها حنان متجهة نحو رقودها على السرير

جالسة بجوارها على حافة السرير مهدئة لها

حنان : لما انتي بتحبي ماجد أوي كده بتسببه ليه أنا مبقتش فاهمالك حاجه

يدخل فؤاد من باب الحجرة مقترباً منهما

فؤاد : إحم إحم نحن هنا أيه يا ست البنات مزعله نفسك ليه

تقوم أسيل من رقودها على السرير محدثة فؤاد بانفعال

أسيل : اسمع يا أخيـنا امشي من وشي السعادي

يستتجد فؤاد بحنان معاتباً

فؤاد : يرضيكي كده يا ست الكل بزمتك فيه واحده ترد على خطيبها بالشكل ده

ترد عليه حنان مبتسمة ابتسامه مصطنعة أثناء نظرة أسيل لها بتعجب

حنان : روح الصاله انت دلوقتي يا فؤاد وأنا ههديها بكلمتين وهتجيلك صاغ سليم

يوافقها فؤاد خارجاً من باب الحجرة مبتسماً بابتسامه عريضة

فؤاد : معنديش مشكله المهم تروق وتحلى

- ليلاً بأحد مقاهي المدينة يجلس ماجد أمام رؤوف يلاعبه لعبة الدومينو وهم يتناولان الشيشه

يفوز رؤوف على ماجد ضاحكا

رؤوف : قفله ودومينو يا معلم وبكدا يبقى سيادتك اتغلبت عشترتين في الجول

لم يعلق ماجد ساكتاً شارداً يلاحظ رؤوف شرود ماجد معقياً متسائلاً

رؤوف : فيه أيه يا عم الترند مالك متغير ليه

يرد عليه ماجد بقله مزاج

ماجد : مفيش بس تعبان شويه

يرد عليه رؤوف مبتسماً

رؤوف : لا دي مش حكاية تعب قولي بس فيه أيه دا أنا صاحبك والصحوبيه واجب

ينظر إليه ماجد نظرة تهكم مجيياً بانفعال

ماجد : مقولتلك تعبان شويه يا أخي فيه أيه

يرد عليه رؤوف مهدئاً إياه

رؤوف : أنا عارف أيه اللي مزعلك قلة الفلوس مش كده

يضحك ماجد ضحكات تهكم معقياً

ماجد : يا ريتها بالفلوس وبس كل حاجه متلخبطه ومفيش حاجه عايزه تعدل

يضحك رؤوف ساخراً

رؤوف : مسيرها تبقى زي الفل

يتسائل ماجد متهكماً

ماجد : وهتبقى زي الفل إزاي يا أبو المفهوميه عرفني يمكن أعرف ولا فهمني يمكن أفهم

يعقب عليه رؤوف مطمئناً

رؤوف : هتعرف وهتفهم متقلقش ولا تحط في بالك يا معلم إتقل ع الرز يستوى

يضحك ماجد ضحكات تهكم خفيفة

ماجد : لما نشوف هتودينا لحد فين يا ريس رؤوف

يعقب عليه رؤوف بابتسامه مصنعة معطياً له الشيشه ليشرب منها

رؤوف : مخلص بقى مقولتلك هتفرج بقولك أيه متسيبك م الهري ده كله فيه واحد صاحبي

عازمني على فرحه متيجي معايا نغير المزاج المتعكر ده

يأخذ ماجد منه الشيشه ليشرب مخرجاً دخاناً كثيفاً منه فمه ومنخاره محركاً رأسه لأعلى

ولأسفل مبتسماً ابتسامه مصنعة

ماجد : يلا بينا يا نجم النجوم

- ليلاً بساحة بحارة تضيء أنوار الزينة في الساحة المفروشة بصوان من القماش الملون في نهايته مسرح يقف عليه فرقة موسيقية تجهز في الآلات استعداداً للفرح يرص العمال الكراسي أمام المسرح يلعب الأطفال الصغار بالبالين أمام الصوان يمر أهالي الشارع ذهاباً وإياباً منهم من يمر على قدمه ومنهم من يركب موتسيكل ومنهم من يركب بسكلته ومنهم من يركب تك تك

- ليلاً بالشارع المؤدي لساحة الفرح يدخل رؤوف وماجد الشارع المؤدي للساحة الموجود بها الفرح يتسائل ماجد معقياً عند اقترابه من صوان الحفل

ماجد : يا ريس رؤوف لسه الحفله مبدأتش متيجي نروح نقعد على أي قهوه نشربلنا حجرين دخان على أما الحفله تبدأ

يشير له رؤوف نحو صوان الفرح منتشياً

رؤوف : تعالى بس أعرفك على المطرب ده منتهى الرجوله اللي في الدنيا وصوته بقى أيه حكاية

- ليلاً بجوار صوان الفرح يجلس المطرب مع متعهد الأفراح بجوار قماش الصوان الملون يقترب منهما رؤوف مبتسماً وبجوار ومحازاته ماجد يصل إليهما رؤوف وماجد مبتسماً مصافحين المطرب والمتعهد

رؤوف : سلامو عليكو

يرد المطرب ومن معه

المطرب ومن معه : وعليكم السلام ورحمة الله وبركاته

يقف المطرب من مكان جلوسه مصافحاً رؤوف وماجد بابتسامة عريضة مشيراً له على كرسيين بجواره وكذلك المتعهد

المطرب : أهلا رؤوف إذيك محدش شافك من زمان

يصفاحه رؤوف مبتسماً جالساً بجواره

رؤوف : أهلا بيك يا فنان أخبارك أيه وأخبار فنك وصوتك الحلو أيه

ينظر إلى ماجد مبتسماً مكماً حديثه

المطرب : مش تعرفني على صاحبك

يرد عليه رؤوف مبتسماً

رؤوف : دا حبيبي وصاحبي والانيم بتاعي ماجد أفندي وتقدر تقول التزند

يرحب به المطرب طالباً منهما

المطرب : التزند التزند تعالو اتفضلو اقعدو جاني هنا

يجلس رؤوف وماجد بجوار المطرب يتحدث رؤوف إليه منتشياً

رؤوف : عايزينك تسلطنا النهاردا يا نجم يتدخل متعهد الأفراح متحدثاً بنشوى

المتعهد : النجم في أي مكان بيسلطن وبيقول قواله مبيقولهاش حد

يرد المطرب على رؤوف مبتسماً

المطرب : إحنا عاملين بروجرام حلو أوي هيعجبك إنت وصاحبك ماجد شايف صاحبك كدا

مبيتكلمش

يضرب رؤوف ماجد الشارد على كتفه فينتبه متحدثاً مبتسماً ابتساماً مصطنعة

ماجد : لا لا لا أنا معاكو اتفضلو كنتو بتقولو أيه

يضحك المطرب معقياً

المطرب : مش قولتلك مش معانا

يضحك الجميع

يتحدث ماجد إلى المطرب بتركيز

ماجد : طيب يا نجم النجوم مليش بركه الا انت

يتدخل رؤوف متمنياً

رؤوف : من الآخر كدا يا نجم ماجد بيمر بحالة حزن عاطفي بسبب إن حبيبته سابتة وحاب

يسمعلك منك حاجه تعبر عن الموقف ماشي يا نجم

يتدخل ماجد طالبا مبتسماً

ماجد : وكمان أنا عايزك في حاجه مهمه بعد الفرح

يرد عليه المطرب متأثراً منتشياً

المطرب : بس كدا من عنيا هتسمع اللي عمرك ما سمعته وهتشوف اللي عمرك ما شوفته

وهستناك بعد الفرح

يرد عليه رؤوف ضاحكاً مصفقاً بصوت عالي

رؤوف : يا سلام عليك يا نجم يا كبير يا أبو الانسانيه كلها

- ليلاً بمسرح الفرح تعزف الفرقة الموسيقية يغني المطرب يجلس رؤوف وماجد بين جمهور الحضور

مستمعين بالغناء يصفق الجمهور ويرقص على الغناء

- ليلاً بمسرح الفرح يللمم أعضاء الفرقة كلا منهم على حدا عدته ثم بجوار صوان الفرح يجلس

المطرب على كرسي بجوار رؤوف وماجد متسائلاً

المطرب : أيه رأيكو بقى في اللي سمعته

يرد عليه رؤوف مادحاً

رؤوف : حاحه محصلتش حاحه كدا تعالى الدماغ ولا أحلى مزاج يتاخذ

يرد عليه المطرب معترضاً

المطرب : حد الله ما بينا وما بين أي مزاج إحنا لينا في الغنا وبس

يقاطعه ماجد مبتسماً

ماجد : بصراحه صوتك وعربك محصلوش عافق المقام صح وماشي مع التيمبو مبتقش ولا بتروح

كدا ولا بتروح كدا

يرد عليه المطرب ممتناً

المطرب : متشكر جدا على زوقك وإنت لمؤخذه عرفت التفاصيل دي منين

يتدخل رؤوف متسائلاً بغرابه

رؤوف : اللي هيا أيه التفاصيل يا نجم

يرد المطرب موضحاً

المطرب : اللي هيا العرب والمقام والتيمبو

يرد عليه ماجد ضاحكاً ضحكة خفيفة

ماجد : أصلي أخذت ورشة موسيقى قبل كدا اتعلمت فيها السلم الموسيقي والمقامات وبقيت

فاهم فيها شويه

يرد عليه المطرب متسائلاً

المطرب : طيب ما اتعلمتش تعزف على آله أو حتى تغني

يرد عليه ماجد ضاحكاً

ماجد : يعني حصلي شوية ظروف كبرت دماغي بعديها

يتسائل المطرب منصتاً

المطرب : طيب مقولتليش يا سي ماجد كنت عايزني في آيه

يرد عليه ماجد مبتسماً

ماجد : بصراحه كدا ومن غير خجل رجالة فؤاد ابن حموده الجزار ضربوني وهانوني قدام

الناس كلها وأنا بقى عايز أرجع حقي منهم وزى ما زلوني أزلهم وأنا عارف إن حبايبك كثير

هتقدر تخدمني الخدمه دي ولا أشوف حد تاني ولو سمحت خد مني القرشين دول علشان الرجاله

يرد عليه المطرب متسائلاً

المطرب : بص يا ماجد أنا لوجه الله حبيتك بس الأول لازم تقريني وتعرفني ضربوك إذاي

وبسبب آيه ولو اقتنعت هقف معاك وقفه حلوه ترجعلك حقك وترفع راسك قدام كل الخلق

ورجع فلوسك إحنا ميناخذش فلوس مقابل خدمة الجدعان

يرد عليه ماجد متذكراً

ماجد : تمااااااااام هحكيلك

- ليلاً بأحد الشوارع يسير رؤوف بجوار ماجد متسائلاً

رؤوف : يعني محكتليش إن رجالة فؤاد بن حموده الجزار ضربوك

يرد عليه ماجد غير مبالياً

ماجد : مجاش في بالي ومكنتش مركز بسبب اللي عملته فيا أسيل المهم هتشوفلنا تذكرتين هيروين

نشدهم ولا مكبر دماغك يرد عليه رؤوف بقلة مزاج

رؤوف : منين يا حسره مفيش معايا ولا سحتوت

يتسائل ماجد بقلة مزاج

ماجد : يعني هنعمل آيه يعني

يرد عليه رؤوف مفكراً

رؤوف : أنا عندي حل يخلينا نجيب طن هيروين

يتسائل ماجد منبهراً

ماجد : بتتكلم بجد طيب رسييني عليه وأنا معاك يا مفكر يا أبو التفافين

- نهاراً أمام محل الجزاره المملوك لحموده والد فؤاد والمقابل للعمارة الموجود فيها شقة أسيل يجلس

فؤاد على كرسي أمام محل الجزاره يتناول الشيشه بتعالى وكبرياء ناظراً إلى شرفة منزل أسيل

وهي تلملم الغسيل متحدثاً بصوت مسموع

فؤاد : بكره الفراوله تطيب ويقطفها الأكال

يظهر من أول الشارع ماجد ورؤوف برفقة بعض الشباب تنتبه أسيل الواقفة تلم الغسيل

لوجودهم ينتبه فؤاد لقدومهم متعجباً واقفاً منادياً على رجاله الموجودين بالمحل قادمين

بأسلحتهم

فؤاد : ودول آيه كمان هوا ماجد محرمش ولا آيه يا رجاله هاتو السكاكين اللي في أيديكم وتعالو

حالا يلا يلا يا رجاله

يخرج رجال فؤاد من داخل المحل مدجين بالأسحلة البيضاء واقفين أمام المحل خلف فؤاد

يقترب ماجد ورؤوف ومن معه واقفين أمام محل الجزارة في مواجهة فؤاد ورجاله يتحدث فؤاد

بصوت عالي وبكبرياء

فؤاد : يلا يا شاطر منك له له له إتمشو من هنا لاحسن ندبكو ونشفيكو زى ما بنشفي البهايم

ونعلقكو دبايح بالمحل ونبيعكو الكيلو بتلاته تعريفه

يرد عليه ماجد بثقة في النفس

ماجد : خلصت كلام يا فؤاد يا جزار ياللي بتجيب البهايم الوقيع وتدبجها وتبيعهها للناس الغلابه
ياللي بتجيب اللحمه المتلجه وتبيعهها على أنها لسه طازه أنا جاي النهارده علشان آخذ حقي
منك وقدام كل الخلق

يتقدم فؤاد خطوتين دافعاً فؤاد بيده ويدور العراك يحاول رجالة فؤاد الضرب بالأسلحة البيضاء
يدافع الأشخاص المرافقين لماجد ومعهم ماجد ورؤوف بلعب الكونغفو يتنصر ماجد ومن معه على
فؤاد ورجاله اللذين هربو من المكان وتركو فؤاد بمفرده يقترب ماجد من فؤاد ماسكاً إياه من
رقبته مهددا متعاليا في ظل مشاهدة أسيل له من الشرفة والمحيطين من حوله

ماجد : أهوه أهوه اللي عامل فيها سبع رجاله في بعض أهوه شايفينه عارفينه واللي يجي عليا يبقى
وقع في الحيه

يضرب ماجد فؤاد بالبوكس في وجهه ضربة قوية

- ليلاً بصالة شقة المطرب يجلس رؤوف وماجد رفقة المطرب يتحدث رؤوف منتشياً
رؤوف : متشكرين يا عمنا على الواجب الكبير وعلى رجالة الكنغ فو اللي انت بعتهم

يرد عليه المطرب منتشياً

المطرب : دا أقل واجب للناس اللي بنحبهم وبنعزهم

يقاطعه ماجد ممتناً

ماجد : تسلم يا نجم النجوم يا متصيت يا أبو صوت بلابل يا غسل

يتسائل المطرب مبتسماً

المطرب : أظن العرکه كانت مشعشعه ومولعه

يرد عليه رؤوف متباهياً

رؤوف : البركه في رجالتك يا نجم من غير سلاح فازو بالعركه ورفعو راسنا

يرد عليهم المطرب منتشياً

المطرب : أي خدمه يا رجاله

يتسائل ماجد مبتسماً ابتسامه عريضه

ماجد : طيب مش هتقولنا حفلتك الجايه فين علشان نيجي نسمعك ونتسلطن

يرد عليه المطرب مبتسماً

المطرب : الحفله كمان ساعتين في قاعة ضي القمر تشرفوني وتنوروني

- ليلاً بأحد المقاهي يجلس رؤوف بجوار ماجد متحدثاً

رؤوف : أيه رأيك بقى يا عمنا في اللي حصل

يرد عليه ماجد منتشياً

ماجد : اللي حصل وصل واللي حصل مكش ع البال ولا ع الخاطر

يتسائل رؤوف مبتسماً

رؤوف : مش يالا علشان نروح الحفله مفضلش غير نص ساعه وتبدأ

ينظر رؤوف إلى ماجد يجده متأثراً شاردًا مكماً

رؤوف : أيه يا عم ماجد مالك سرحت في أيه شكلك كدا لسه بتحب أسيل

يرد عليه ماجد متأثراً

ماجد : بحبها ويس دا أنا بموت فيها بس انت شايف باعتني وراحت لواحد تاني

يرد عليه رؤوف ناصحاً

رؤوف : قوم يالا بينا نروح الحفله وكفاياك مواجع

- ليلاً بقاعة ضي القمر تعزف الفرقة الموسيقيّة الجالسة على المسرح خلف وقوف المطرب

الموسيقي تمهيدا لغناء المطرب يقف المطرب على المسرح استعدادا للغناء يدخل ماجد رفقة

رؤوف من باب القاعة الرئيسي يشيران بأيديهما للمطرب متجهين ناحية كرسيين جالسين عليهما

يلحظهما المطرب مشيرا لهما بيده ثم مشيرا للفرقة بالتوقف محيا إياهم

المطرب: تحيه خاصه من القلب للقلب للريس رؤوف وصحبته الغاليه ويقولهم منورين حفلتنا

وبنقول اللي يجي على سكتنا ملوش غير عداوتنا

يشير المطرب للفرقة بالعزف فيبدأ المطرب بالغناء في ظل استمتاع رؤوف وماجد بالغنا

مصفقين

- ليلاً بالشارع خارج قاعة ضي القمر يصافح رؤوف وماجد المطرب مودعين إياه

رؤوف : ألف شكر يا نجمننا ع السهره ع الحلوه دي

يصافحه ماجد مبتسماً

ماجد : مش عارف أقولك أيه خليت مزاجنا في السحاب بفنك وبخدماتك

يرد عليهم المطرب متأثراً

المطرب : الفن للرجال الفن مش بالصيت وخدمة الرجاله أشد م الدناميت يلا ألف سلامه يا رجاله

وخلونا نشوفك

يرد عليه رؤوف مبتسماً

رؤوف : إن شاء الله ألف سلامه يا نجم

- ليلاً بالشارع العام يتسائل ماجد وهو يسير بجوار رؤوف متمنياً

ماجد : مفيش معاك تذكرتين هيروين كدا ع الماشي ولا لسه الحاله جيم

يرد عليه رؤوف متهكماً

رؤوف : مفيش معايا غير تذكره واحده متكفناش اصلا

يتسائل ماجد متمنياً

ماجد : مش لو كان معانا فلوس مكنش حالنا يبقى كده

يرد عليه رؤوف مفكراً شاردأً بذهنه

رؤوف : سكة الفلوس أسهل منها مفيش

يرد عليه ماجد متسائلاً بشغف

ماجد : طيب مترسيني هيا فين وأنا أروحلها دغري

يرد عليه رؤوف ممعناً النظر

رؤوف : هرسيك متقلقش

- ليلاً بحجرة نوم ماجد يصعد ماجد على السرير مرتميا من التعب تائهاً من تناول الهيروين يرن

جرس الهاتف يمد يده في جيب بنطاله مخرجاً الهاتف ناظراً في شاشته المضيئة مشاهداً اسم أسيل

ضاحكاً فاتحاً الخط

ماجد : كنت عارف ومتأكد إنك متقدريش تستغني عني وهتصلي بيا

ترد عليه أسيل غاضبة

أسيل : إسمع يا ماجد اللي انت عملته مع فؤاد ورجالته عيب وغلط وقصة الخناقه دي لا

هتخليني أفكر فيك ولا هتغير الواقع اللي بينا خلاص يح مبقاش منه موجود دلوقتي وياريت تبعد

عن حياتي نهائي

يرد عليها ماجد بتأني متأثراً بتناول الهيروين

ماجد : خلصتي خلاص بصي يا أسيل إذا كنتي نسييتي اللي بينا فا أنا منستش وإذا كان

يرضيكي تبعدي إبعدي واعملي كل اللي يريحك من ناحيتي سلام

يغلق ماجد الهاتف ملقياً إياه على السرير بجواره بغضب وبنفخة هواء من فمه تعبر عن

غضبه متحدثاً بصوت مسموع

ماجد : الله يخرب بيتك يا أسيل بوظتي الدماغ اللي أنا عاملها

- ليلاً بالشارع أمام العماره الموجود فيها شقة ماجد يسير ماجد متجهها ناحية باب الدخول

الرئيسي للعمارة يأتي من خلفه نادر وبعض زملاء ماجد بالكلية ينادي نادر على ماجد بصوت

عالي وهو يقترب من ماجد رويداً رويداً

نادر : يا ماجد يا ماجد

ينتبه ماجد للصوت مستديراً متعجباً لمحجى نادر وزملائه يصل نادر إلى مكان وقوف ماجد واقفاً

أمامه هو وزملائه

نادر : حرام عليك يا أخي ليه مبتجيش الكليه وليه مش شايف مصلحتك

يرد عليه ماجد غير مبالياً

ماجد : أيه يا عم نادر عما عملوك وصي عليا ولا أيه

يرد عليه نادر ناظراً لوجهه المتغير

نادر : لا معمليونيش وصي ولا حاجه بس الزماله بتديني حق إني أعرفك إنك ماشي سكه شمال

وغلط ومش هيا دي السكه اللي هتخليك تاخذ الترنند أنا جاي أنا وزمايلك علشان بنحبك

ونحب مصلحتك لسه قدامك فرصه كبيره علشان نتجح في الكليه

يرد عليه ماجد غير مبالياً

ماجد : هشوف وأرد عليك

يرد عليه نادر بنفاذ صبر

نادر : تشوف أيه وترد عليا أيه انت مش شايف وشك ولا جسمك بقو عاملي إذاي بقيت شبه

العتمة إنت مش ماجد صاحب الطله الحلوه والوش اللي بيضحك

يمد نادر يده بخطاب مغلق يأخذه منه ماجد

نادر : خود

يتسائل ماجد بتعجب فاتحا الخطاب مخرجاً الورقه الموضوعه فيه قارئاً إياها

نادر : ده جواب فيه إنذار بالفصل من الكليه لما عرفت من موظف شئون الطلبة انه مبعوتلك

روح وراه البريد واستلمته نيابة عنك قبل ما يوصل للحاج عفت يا ريت بقى تخرج من اللي

انت فيه وتحافظ على الشويه الباقيين ما بين وما بين زمايلك ومتبعدهش عن كليتك خلص

الكلام سلام

يستدير نادر ومن معه من الزملاء منصرفين من المكان ينظر ماجد إليهم بمراجعة نفس دون

إخراج صوت

ماجد : هوا أيه اللي بيحصل بالطبط مبقتش فاهم حاجه ولا حتى بقيت فاهم نفسي

- ليلاً بأحد الشقق المفروشة يجلس رؤوف وسط أصدقائه من الشباب والفتيات يضحكون

ويتثامرون , بعضهم يلعبون القمار يضع البعض منهم الهبروين من ورقة سليفونية على ظهر

أيديهم ويشدونها بمناخيرهم منتشين بينما تقف أحد الفتيات بعد شربها للهبروين تشغل

الموسيقى ترقص فيصفق لها الحضور منتشين يتسائل شاب جالس بجوار رؤوف منتشياً

متأثراً بتناول الهيروين

شاب 1 : أيه يا معلمه أمال فين صاحبك وحببيك وأنتيمك ماجد

يرد عليه رؤوف متأثراً بتناول الهيروين

رؤوف : ماجد بح خلاص مبقاش موجود ومبقاش الترنند

يتسائل شاب آخر متأثراً بتناول الهيروين

شاب 2 : مفهمناش يا أمور

يرد عليهما متأثراً بتناول الهيروين

رؤوف : يعني بقى أشفوووووور ومفيش معاه اللي يكفيه يبقى أجيبه ليه

يضحك الجميع

تقترب فتاة نحيفة غير منتزعة من رؤوف المنتشي بتناول الهيروين متسائلة بشغف

فتاة 1 : أمال فين ماجد مجاش معاك يعني

يرد عليها رؤوف متضايقاً

رؤوف : وانتى عايزاه يجي ليه متخليكي في اللي انتى فيه هوا جرا أيه يا جدعان

ترد عليه الفتاة بقللة مزاج تاركة إياه

فتاة 1 : خلاص يا عم متزفأش مش عايزه أعرف حاجه

يستوقفها رؤوف مبتسماً

رؤوف : بصي يا جميل استنى بس لما أقولك

تقف الفتاة متسائلة بقللة مزاج

فتاة 1 : بصيت أهوه

يرد عليها رؤوف مبتسماً

رؤوف : هوا احتمال يجي رغم ابي مقولتلوش

تشير له الفتاة بيدها بقلة مزاج

فتاة 1 : يجي ولا ميحيش معطلكش يا لولو

يستمر رؤوف في التصفيق محدثاً نفسه بصوت

رؤوف : لولو؟! لولو لولو بس يعيش

يلقي كل من معه هيروين الهيروين على الأرض

يدفع ضابط المباحث باب الشقة فاتحاً إياه يدخل الشقة ومعه القوة المرافقة يستوقفه رؤوف

معتزضاً دخولهم الشقة

رؤوف : أيه سيادتك فيه أيه لو سمحت معاك إذن نيايه بدخول الشقة بالشكل ده

يخرج الضابط ورقة من جيب قميصه الأعلى متحدثاً بحذم بينما يأخذ الورقة ماجد يقرأها بعينيه

ضابط المباحث : وآدي إذن النيايه الصادر بالقبض عليك لآتهامك في جناية سرقة أيه رأيك بقى

شغلنا مطبوط أهوه

يعطي رؤوف الإذن للضابط فيأخذه منه واضعاً إياه في جيب قميصه الأعلى منوها على القوه

المرافقة له

ضابط المباحث : يلا يا حلوين كل يخرج معنا من سكات

تقترب الفتاة 1 من ضابط المباحث مقررة باستعطاف

الفتاة 1 : مش سيادتك جاي تقبض على رؤوف وبس يبقى ملوش لازم تاخذ كل الناس

يضحك ضابط المباحث متهكماً ناظراً لها بغضب

ضابط المباحث : ما هو أصل إذن النيابة أتاح ليا أقبض على كل مرتكب جريمة عرضيه وأنتو ما

شاء الله قمار وخمره وتعاطي هيروين والقانون بيحاسب على الحاجات دي

يلم بعض من أفراد القوه بعض الأحرار يكمل الضابط حديثه بجزم ناظراً للفتاة في عينها بغضب

ضابط المباحث : قولنا يلا يا حلوين ومحدث يقاوم

يقبض على كل من في الشقة يخرج بالمقبوض عليهم من باب الشقه

- ليلاً على درجات سلم الشقة الموصل للشقة المفروشة يصعد ماجد درجات السلم متحسباً

الخطى يلاحظ خروج السكان من أبواب شققهم يجد ماجد الشرطة خارجة من باب الشقة

المفروشة قابضة على من في الشقة يتوارى ماجد من رجال الشرطة ومن أعين رؤوف ينازع

رؤوف مستعظفاً

رؤوف : والله يا باشا معملنا حاجه مظلومين يا باشا

يقف ماجد جانباً ملاحظاً نزولهم

ماجد : الحمد لله إني اتأخرت ومجتش بدري

- ليلاً أمام باب شقة ماجد يصل ضابط المباحث ومعه معاون المباحث والقوة المرافقة إلى

باب شقة ماجد يطرق ضابط المباحث باب الشقة بقوة تفتح له ثريا باب الشقة منزعجة من رؤية

الشرطة

ثرىا : خير فيه حاجه

يتسائل ضابط المباحث بشدة وحزم

ضابط المباحث : دي شقة ماجد عفت

ترد عليه ثريا منزعة

ثريا : أيوه هيا شقة ماجد عفت خير يا سعت البيه الضابط

يخرج عفت من داخل الشقة منزعجاً متسائلاً

عفت : هوا فيه أيه ساعاتك

يخرج ضابط المباحث ورقة من جيبه عارضها على عفت

ضابط المباحث : دا إذن من النيابة العامة بالقبض على ابنك ماجد ابنك متهم في قضية سرقة يا

ترا بقى هتجيبهولنا ولا ندخل نيجبه إحنا

ينتهي عفت من قراءة الورقة معطياً إياها للضابط

عفت : لا ساعاتك خليك هنا من فضلك وأنا هدخل أجيبه من نفسي ما فيش داعي تدخل

يدخل عفت إلى الصالة

- ليلاً بحجرة نوم ماجد يدفع عفت باب الحجرة فاتحاً إياه يجد ماجد واضعاً الهيدفون في أذنه

جالساً أمام جهاز الكمبيوتر يستمع لأغاني مقلبا صفحات الانترنت يقترب منه عفت محدثاً

إياه بانفعال

عفت : انت قاعد هنا تسمع في أغاني والشرطه بتدور عليك

ينزع ماجد سماعتي الهيدفون من على أذنيه منزعجاً

ماجد : شرطه أنا معملتش حاجه علشان الشرطه تدور عليا

يعقب عفت على حديثه متضايقاً

عفت : ما هو أصل اللي يسرق أبوه سهل عليه يسرق أي حد قوم لو سمحت كلم البيه ظابط
المباحث واقف على الباب مستنيك ومعاه إذن من النيا به بالقبض عليك يا خسارة تربيتي فيك يا
ماجد

يخرج ماجد من باب الشقة يخرج خلفه ثريا وعفت واقفين على حافة الباب بيتبعان ماجد
بنظراتهما يضع ضابط المباحث القيد الحديدي بيدي ماجد يصطحبه معه نازلاً درجات السلم ومعه
معاون المباحث والقوه المرافقة يتبعانه ثريا وعفت متأثرين واقفين عند بداية نزول السلم بينما
تتنهد ثريا مستعطفه عفت

ثريا : هتسيب ابنك يضيع يا عفت لازم تلحقه لازم تشوفله محامي يترافع عنه
يرد عليها عفت مطمئناً

عفت : متقلقيش يا ثريا هتصل بنادر زميله يبجي معايا نشوفله محامي
تتدخل ثريا مستعطفه

ثريا : أيوه هوا نادر الوحيد اللي يبحب مصلحة ابنك وياما حذره من أفعاله الغلط
يرد عليها عفت متهكماً

عفت : أنا كمان ياما حذرته يا ثريا
تستعطفه ثريا متحدثه

ثريا : خلاص بقى يا عفت اللي حصل حصل

ينفخ عفت نفخة هواء من فمه تعبر عن غضبه واستيائه

- ليلاً بحجرة الحجز الاحتياطي يدفع أمين الشرطة ماجد داخل حجرة الحجز الاحتياطي المعتمة

أمين الشرطة : أدخل يا متهم

يندفع ماجد إلى داخل الحجرة معقباً

ماجد : طيب يا عم متزقش أنا لسه مبقتش متهم

يغلق أمين الشرطة يتجه ماجد متخبطا ناحية الحائط المواجهة لا يرى من بالحجرة يجلس متحسناً

الأرض يسند ظهره على الحائط بينما يتكلم رؤوف الجالس بجواره

رؤوف : متزعلش مني يا ماجد أنا السبب أنا اللي وصلتك لكده وأنا اللي اتسببت في حبسك

ينتبه ماجد إلى صوت رؤوف يميل ماجد برأسه ناحية رؤوف ضاحكاً ضحكات تهكم واستسلام

ماجد : أهلا يا رؤوف انت شرفت معايا

يجيبه رؤوف بتأثر

رؤوف : لا وانت الصادق أنا اللي خليتك تشرف معايا

ينظر ماجد أمامه مستسلماً متغاضياً

ماجد : هيا كدا ولا كدا خرابانه يا معلم مبقتش تفرق ولو مكنتش جت منك كانت هتيجي من

غيرك

يبتسم رؤوف متسائلاً

رؤوف : يعني مش زعلان إني بلغت عنك

ينظر إليه ماجد ضاحكا ضحكة ضياع وقلة حيلة

- نهاراً بحجرة ضابط المباحث يدخل معاون المباحث طارفاً باب الحجرة يأذن له ضابط المباحث

الجالس على مكتبه يتفحص بعض الملفات

ضابط المباحث : اتفضل ادخل

يظهر له معاون المباحث مقرباً من المكتب الجالس عليه جالساً على كرسي أمامه ويده ورقة كشف

أسماء معطياً إياها لضابط المباحث

معاون المباحث : مساء النور ساعاتك داكشف بأسماء المضبوطين النهارده

يأخذ ضابط المباحث الورقة قارئاً فيها مبتسماً

ضابط المباحث : الله ينور معاليك حاجه زي الفل

يرد عليه معاون المباحث منتشياً

معاون المباحث : الحمد لله يا فندم نسبة الجريمة في دايرتنا تعتبر معدومه

يرد عليه ضابط المباحث منتشياً

ضابط المباحث : الحمد لله تسلم ويسلم كل عسكري وأمين شرطه على المجهود الجبار ده

يرد عليه معاون المباحث منتشياً

معاون المباحث : كل الفضل يرجع لربنا ثن لتوجيهات ساعاتك

يمد ضابط المباحث يده على التليفون الأرضي متصلاً

ضابط المباحث : لما اتصل على مكتب مدير الأمن علشان أبلغهم بالكشف والتطورات

الجديده

- نهاراً بالشارع العام تسير أسيل حاملة كتبها بيدها مقترية من باب العمارة الموجود فيها شقتها

يقترب منها نادر زميل ماجد منادياً بصوت عالي

نادر : يا أسيل يا أسيل

تنتبه أسيل لنداء نادر مستديرة نحوه يقف نادر أمامها متوسلاً

ترد عليها أسيل وهي تجلس بجوار حنان على الأريكة من الناحية الأخرى لجلوس نادر

أسيل : رميتها في وشه يا ماما مش ضايقه دا بني آدم عجيب ورامي نفسه عليا راميه وأظن إن دي

رغبتك من زمان

تنظر حنان إلى نادر ثم إلى أسيل متسائلة بتعجب

حنان : طيب فيه أيه بقى مش فاهمه

يرد عليها نادر متحمساً مستعظفاً

نادر : يا طنط من الآخر كدا ماجد في ورطه وبنتك أسيل لسه بتحبه وحضرتك ما يرضكيش

مستقبله يضيع ومنقش جانبه تتسائل حنان مبتسمة متعجبة

حنان : رده مش فاهمه حاجه لسه

ترد عليها أسيل مستعظفه

أسيل : هنفهمك يا ماما

يرد عليها نادر مبتسماً مستعظفاً

نادر : ولما حضرتك تفهمي أكيد هتقفي معانا في الموقف ده لأن ماجد ما يستاهلش مننا غير كده

- نهاراً بالشارع العام تتحدث أسيل أثناء سيرها مع نادر متأثرة وبشغف

أسيل : انت متأكد إن المحامي ده كويس

يضحك نادر واثقاً

نادر : بيقولو عليه حوت الجنائيات وبيطلع المتهم من القضية ذي الشعره من العجينه يعني من

الآخر كده مافيا في القانون

تهدأ أسيل معقبة

أسيل : ربنا يطمئنك يا نادر

يحدثها نادر مطمئناً

نادر : متقلقيش يا أسيل بإذن الله هناخده وإحنا ماشيين من سرايا النيابة

تضحك أسيل ضحكة تفاؤل

أسيل : يسمع من بوقك ربنا

- نهاراً بحجرة السيد وكيل النائب العام يجلس وكيل النيابة على مكتبه يجلس بجواره سكرتير النيابة ممسكاً بقلم ينتظر ما يمليه عليه وكيل النيابة يقف ماجد ورؤوف بجوار بعضهما بالخازنة أمام مكتب وكيل النيابة يتحدث معهما وكيل النيابة معنفاً بلباقة وأدب في حضور الخامي نجيب الجالس أمام المكتب الجالس عليه وكيل النيابة

وكيل النيابة : بعيدا عن التهم الموجهة ليكو أنا مش عارف أيه الميزه اللي أخذتوها لما شريتو مخدرات وعملتكو أيه بالعكس كانت سبب في إنكو تيجو هنا وفي أيديكو الحديد وهيا هيا المخدرات اللي خليستكو تسرقو وتهينو نفسكو وأهاليكو معاكو وتخلو المجتمع ينظرلكو نظرة مش كويسه

يجلس الأستاذ نجيب الخامي على كرسي أمام مكتب وكيل النيابة يتابع السيد وكيل النيابة بنظره بينما ينوه وكيل النيابة على الأستاذ نجيب الخامي

وكيل النيابة : طلباتك يا أستاذ نجيب

ينتبه الأستاذ نجيب الخامي مملي السكرتير الطلبات فيكتب ورائه ما يمليه من طلبات في ظل دخول عامل البوفية واضعاً كوباً من القهوة أمام السيد وكيل النيابة

نجيب المحامي : وطلب الحاضر مع المتهمين إخلاء سبيلهما لانتفاء مبررات الحبس الاحتياطي

وهي أن لهما محل إقامة ثابت ومعلوم بذات المدينة وأنه لا يخشى عليهما من الهرب وأنه لا يخشى

على سير التحقيق من خروجهما

يتوقف الأستاذ نجيب عن إملاء الطلبات ينتهي السكرتير من كتابة طلبات الأستاذ نجيب المحامي

بينما يضغط وكيل النيابة على زر جرس التنبيه يدخل عسكري من خارج الحجره لداخلها بناءً

على الجرس فيتحدث وكيل النيابة للعسكري

وكيل النيابة : خد المتهمين خلاص التحقيق انتهى

يقرب العسكري من المتهمين مصطحباً إياهم خارج الحجره

يلتفت وكيل النيابة للأستاذ نجيب المحامي مبتسماً برفق متحدثاً

وكيل النيابة : اتفضل انت يا أستاذ نجيب وانتظر القرار

يقف الأستاذ نجيب المحامي ناظراً لوكيل النيابة مبتسماً

نجيب المحامي : اللي تشوفه سيادتك وفي انتظار قرارك

- نهارا بالطريقة أمام مكتب السيد وكيل النائب العام يخرج المتهمين من الحجره صحبة العسكري

بينما يستقبل المتهمين ضابط ترحيلات و أمين شرطة خارج الحجره يضع أمين الشرطة القيد

الحديدي بيد المتهمين في ظل متابعة من ضابط الترحيلات يصطحبانهما لنهاية الطرقة رفقة باقي

المقبوض عليهم من الشقة بينما يخرج الأستاذ نجيب المحامي يتجمع حوله عفت وثرثيا و أسيل ونادر

وأهل رؤوف ينظر ماجد إلى أسيل بحرج شديد أثناء اصطحاب الشرطة له

تنظر له أسيل نظرة عابرة أثناء توجهها ناحية المحامي بينما يتحدث الأستاذ نجيب مطمئناً

نجيب المحامي : متعلقوش يا جماعه خير إن شاء الله

يحدثه عفت بشغف وتأثر

عفت : يعني هياخدو إخلاء سبيل يا أستاذ نجيب

يجيبه الأستاذ نجيب

نجيب المحامي : ممكن آه وممكن لأ

تتحت ثريا مستاءة

ثريا : فزوره دي ولا آيه

يضحك الأستاذ نجيب المحامي

نجيب المحامي : يعني ممكن وكيل النيابة يدي قرار بإخلاء سبيلهم وممكن يديهم أربع تيام استمرار

يتسائل نادر بشغف

نادر : ولو خدو أربع تيام استمرار

يجيبه نجيب المحامي

نجيب المحامي : هيتحدد لهم جلسه قدام قاضي اسمه قاضي المعارضات وده قاضي بيقلو عليه

قاضي التجديد بخلاف قاضي المحكمة وده مهمته تأجيل نظر في القضية والبحث في مبررات

الحبس الاحتياطي لحد ما النيابة العامه تنتهي من التحقيقات وتتأكد من أدلة الإدانه بسؤال شاهد

الإثبات اللي هوا ظابط المباحث اللي قبض عليهم وسؤال الجني عليه المسروق

تتسائل أسيل بشغف

أسيل : وبعد ما تتأكد من دليل الإدانه

يجيبها نجيب المحامي

نجيب المحامي : هتعرض القضية على المحامي العام اللي بيرأس النيابة وبعدين المحامي العام بيصدر

قرار إحالة القضية لمحكمة الجنايات

يتدخل عفت منزعجا

عفت : لأ محكمة الجنايات أيه شوفلنا حل يا أستاذ نجيب

يرد الأستاذ نجيب المحامي مقترحاً

نجيب المحامي : فيه حل وحيد لو تم كل الامور هتبقى سهله وماجد هيخرج بالسلامه

تتدخل ثريا متسائلة بشغف

ثريا : طيب ما تدلنا عليه أنا عايزه ابني يخرج من حبسته دي إحنا مش وش كده

يرد عليهم المحامي مبتسماً متفائلاً

نجيب المحامي : حاضر هقولكو

- ليلاً بصوان فرح يقف المطرب أمام الفرقة الموسيقية مغنياً بينما تدخل أسيل و نادر من الباب

الخلفي لدخول المعازيم يجلسون على كرسيين بمؤخرة الصوان ينتهي المطرب من الغناء

يجلس المطرب أمام أسيل و نادرمتسائلاً مبتسماً

المطرب : خير يا جماعه بعنولى رساله انكو عايزني ضروري شكلكو كدا عرسان جداد وعايزني

أحييلكو حفلتكو صح

ترد عليه أسيل بهدوء دون تعبيرات من وجهها

أسيل : لأ مش صح

يتسائل المطرب شغوفاً

المطرب : أمال أيه اللي صح رسوني لنا كدا اتوغوشت

يرد عليه نادر مذكراً موضحاً

نادر : متقلقش يا نجم إحنا جايينلك في خدمه لحد خدمته قبل كده

يتسائل المطرب غير مستوعباً

المطرب : بتتكلمو عن مين بالضبط

ترد عليه أسيل موضحة مبتسمة

أسيل : عن الشخص اللي بيعب أسيل وانت جبت اصحابك عملو عركه علشانه

يرد عليهم المطرب مبتسماً متذكراً

المطرب : آآآآآه تقصدو ماجد التزند دا شاب زي الفل بس يا خساره ماشي في سكة

المخدرات

يرد عليه نادر منتقداً

نادر : ما هي المخدرات دي اللي خلته يسرق ودخلته دلوقتي الحبس وأنا زميله في الكليه ودي

أسيل حبيته وكلنا عايزين نقف جانبه ونخرجه من المحنه دي

يرد عليه المطرب متسائلاً

المطرب : قولولي إذاي أقف جانبكو أنا تحت أمركو فلوس ماشي أي شيء تاني ماشي بس أهم

شيء يكون مشينا في السليم

يرد عليه نادر مطمئناً مبتسماً

نادر : متقلقش يا نجم النجوم كله في السليم

- ليلاً بحجرة الحجز الاحتياطي يجلس ماجد بجوار رؤوف متكأين بظهرهما على الحائط

رؤوف : المحامي ده شكله هيجبنا يا ماجد

يضحك ماجد متهكماً

ماجد : اللي يعمله ربنا هيكون

يتسائل رؤوف بغيظ ونفاذ صبر

رؤوف : يعني أيه مش فاهم

يزداد ماجد ضحكا بغموض

ماجد : انت مش ورتنا وأنا جبت الحامي والحامي معرفش يخلي سبيلنا وخذنا أربع تيام استمرار

وقضينا أربعين يوم في الحبس واتعرضنا قدام قاضي المعارضات وبرد مخرجناش والقضيه أخذت

إحاله لمحكمة الجنايات بتهمة سرقة مسكن بالليل

يرد عليه رؤوف مؤكداً

رؤوف : أيوه حصل بس أنا جاي بتهمتين السرقة وتعاطي المخدرات انت جي بتهمة السرقة بس

يرد ماجد بهدوء وتمعن وتفكير

ماجد : أنا مليش فيه وعائزك بقى تريح دماغك وتفكك مني لنا مبقتش طابق أسمع كلمه منك

يعترض رؤوف متسائلاً

رؤوف : أيه بقى اللغه الجديده اللي بتكلمني بيها دي

يرد عليه ماجد واقفاً من مكان جلوسه مبتعداً عن لآخر الحجرة جالساً

ماجد : دي اللغه اللي هتسمعها مني من هنا ورايح

يرد عليه رؤوف مستعظفاً مهدداً

رؤوف : على فكره انت متستغناش عني يا ماجد ولا تستغني عن المزاج اللي بتاخده معايا

يرد عليه ماجد بانفعال ثم ماسكاً رأسه بيده لوجود صداع رهيب

ماجد : لا أقدر استغني عنك وعن مليون شبهك للأسف أنا سمعت كلامك ومشيت وراك
وفكرتك صاحب طلعت صاحب بلاستيك صاحب ورق تضر ما تنفesh وآدي النتيجة

آآآآآ آه يا دماغى

يتجمع المحابيس حول ماجد منادين ومنهم من يضرب باب الحبس بيده بينما يجلس رؤوف مكانه

كما هو ضاحكاً ضحكة خفيفة بتهكم

المحابيس : يا شويش يا شويش إلقنا يا شويش

يأتي شويش ناظراً من شباك الحبس متسائلاً

شويش الحبس : فيه أيه عاملين هيصه وزمبليطه ليه

يتحدث أحد المحابيس مستعظفاً واقفاً في وجه الشويش أمام شباك باب الحبس

أحد المحابيس : إلقنا يا شويش ماجد متمرغش على الأرض وماسك بطنه ودماغه ويبصرخ زي ما

انت شايف

ينظر الشويش إلى ماجد مشاهداً حالته وسامعاً صراخه

شويش الحبس : يا خبر دا لازم يتنقل المستشفى حالا هروح آخذ إذن من مأمور السجن وجاي

حالا

يضحك رؤوف ضحكات خفيفة تهكمية بينما ينظر ماجد إلى رؤوف نظرات غل وغضب

- نهاراً بقاعة محكمة الجنايات يجلس على منصة القضاء ثلاثة قضاة يجلس في منتصفهم القاضي

رئيس الجلسة ويجلس على يمينهم وكيل النيابة ممثل الإدعاء وسلطة الاتهام يجلس على اليسار

سكرتير الجلسة الذي يكتب ما يدور بالجلسة يقف على أقصى اليسار الحاجب الذي ينادي على

القضايا يقف ماجد ورؤوف في القفص يجلس بالقاعة أمام منصة القضاء عفت وثريه ونادر وأسيل

وبعض المحامين في المقدمة بينما يقف الأستاذ نجيب يتراجع أمام المنصة منتهياً من مرافعته

نجيب المحامي : مما سبق نجد أنه يشوب محضر الضبط بطلانا وعدم معقولية يترتب عليها بطلان

كافة الإجراءات وما انبنى عليها شكرا معالي المستشار شكرا هيئة المحكمه الموقره

ينادي ماجد من القفص على القاضي رئيس الجلسة بحماس وتصميم

ماجد : يا معالي المستشار عايز اتكلم عايز أقول أرجوك تسمعني يا معالي المستشار

ينتبه إليه القاضي رئيس الجلسة

القاضي رئيس الجلسة : اتفضل عايز تقول أيه

يتكلم ماجد متأثراً وجميع من في اقلاعة منصت له ومتأثرا بحديثه

ماجد : أنا عارف إني غلطت غلطت في حقي نفسي وحق والدي ووالدي غلطت في حق

أصدقائي وحق الناس اللي بجهها غلطت في حق المجتمع لكن ده كان له سبب عامل ذي اللي

ماشي في طريق وفجأه وقع في حفره غصب عنه

يتحدث القاضي رئيس الجلسة لماجد

القاضي رئيس الجلسة : خلاص خصلت كلامك

يرد عليه ماجد متأثراً دامعاً خلف القضبان الحديدية

ماجد : أيوه يا فندم خصلت كلامي

يدخل المجني عليه المسروق من مؤخرة قاعة المحكمة منادياً على القاضي قبل رفع الجلسة رفقة

المطرب الذي جلس في مؤخرة القاعة بينما تقدم المسروق حتى وقف أمام منصة القاضي متحدثا

برفق ولين

المسروق : يا سعت القاضي يا سيادة المستشار أرجوك من فضلك اسمعني أنا المجني عليه المسروق

وحابب أضيف أقوال جديده في القضية وآدي بطاقتي أهي

يأخذ القاضي رئيس الجلسة البطاقة منه ناظراً فيها ينظر القاضي رئيس الجلسة للقاضي عضو

اليمين فيشير له برأسه بالموافقة وكذلك يشير للقاضي عضو اليسار فيشير

له بالموافقة ينظر القاضي رئيس الجلسة إلى المجني عليه المسروق مدونا ما يقول القاضي رئيس

الجلسة : اتفضل عايز تقول أيه

يتحدث المجني عليه المسروق مشيراً لماجد ورؤوف ناظرا له نظرة شفقة وعطف

المسروق : أنا جاي أقول إن ماجد و رؤوف مسرقونيش ولا حاجه

يحدث ضجيج من الحضور في القاعة

ينظر القاضي على الحضور آمراً ضارباً بالشاكوش الخشي عدة ضربات للتنبيه

القاضي رئيس الجلسة : من فضلكو الهدوء من فضلكو

ينظر القاضي للمجني عليه المسروق متسائلاً

القاضي رئيس الجلسة : أمال لما هما مسرقوش مين بقى اللي سرقك

يتحدث المجني عليه مستعظفاً

المسروق : دول كانوا جايين يزورو واحد صاحبهم في العماره ولما الكاميرا جابتهم وهما نازلين

من على السلم افكرتهم هما لكن منها لله مراتي هيا السبب أتايتها كانت عامله فيا مقلب ومخبيه

مني ذهبها والحمد لله لقيناه

يضحك كل من في القاعة ينظر القاضي على الحضور آمراً ضارباً بالشاكوش الخشي عدة ضربات

للتنبيه

القاضي رئيس الجلسة : من فضلكم الهدوء

يتسائل القاضي مدوناً

القاضي رئيس الجلسة : يعني أفهم من كده إنك بتعدل عن أقوالك واتهامك لماجد ورؤوف

يرد عليه المجني عليه المسروق

المسروق : أيوه يا معالي المستشار

يتسائل القاضي مدوناً

القاضي رئيس الجلسة : عندك كلام تاني حابب تقوله

يرد عليه المجني عليه المسروق

المسروق : لا شكرا يا معالي المستشار

ينادي عليه القاضي آمراً

القاضي رئيس الجلسة : طيب امضي يلا في محضر الجلسة

يتجه المجني عليه نحو القاضي آخذاً منه بطاقة الرقم القومي يتجه المجني عليه نحو سكرتير الجلسة

الجالس يسار المنصة يعطيه السكرتير ورقة وقلم يأخذ المجني عليه القلم فيوقع على أقواله

ينصرف المجني عليه من القاعة بينما ينتظر الجميع تحدث القاضي فيتحدث القاضي رئيس الجلسة

واقفاً ثم منصرفاً لحجرة المداولة هو وكل من على المنصة

القاضي رئيس الجلسة : رفعت الجلسة

ينادي الحاجب الواقف على اليسار بصوت عالي

الحاجب : محكمه

يقف كل الجالسين من الحضور في القاعة احتراماً لهيئة المحكمة يتجه نادر وعفت ناحية المطرب تتجه أسيل ناحية القفص الحديدي بينما يقترب عفت ونادر من المطرب يقفان أمامه يتحدث إليه عفت ممتننا

عفت : متشكرين جدا يا نجم إنك قدرت تقنع المجني عليه إنه يجي يعدل أقواله

يرد عليه المطرب متحمسا

المطرب : دا مكش راضي يجي أبدا بقالي شهر ونص بعته في ناس لما أخيرا وافق لما عرف انهم طلبه ومستقبلهم هيصع

تقف أسيل أمام القضبان منتقدة

أسيل : يعني لو كنت سمعت كلامي من الأول كان أيه اللي حصل مبقتش الترد ولا حاجه لما شربت مخدرات

ينظر ماجد إلى رؤوف متذكراً كلمة الترد ضاحكاً ضحكه خفيفة تهكمية ثم ناظراً إلى أسيل متأثراً ماجد : أنا مصلحة السجون ودتني المستشفى خلال فترة التحقيقات واتعاجت خلاص وبقيت إنسان تاني خلاص بقى يا أسيل متفكرنيش بالأيام الهباب اللي عدت عليا خرينا في اللي جاي أحسن وخرينا نفتح صفحه جديده

يحاول ماجد لمس يديها من خلف القضبان تسحب أسيل يديها من بين يديه بخجل أسيل : خرينا نستني قرار القاضي أحسن

يخرج القاضي والقضاة وسكرتيرالجلسة من حجرة المداولة لإلقاء القرار في القضية يتحدث الحاجب بصوت عالي الواقف يسار المنصة

الحاجب : محكمة

يقف كل الحضور في قاعة الجلسة يجلس القاضي رئيس الجلسة والقاضي عضو اليمين والقاضي عضو اليسار والسيد وكيل النيابة العامة على يمينهم ويجلس السكرتير على يسارهم بينما يتحدث القاضي رئيس الجلسة للحضور مع سقوط رؤوف على الأرض فور النطق عليه بالحبس

القاضي رئيس الجلسة : حكمت المحكمة حضوريا بالنسبة للمتهم رؤوف جلال ناصف وباقي المتهمين والمتهمات في القضية 2613 جنایات بالحبس لمدة سنة مع النفاذ عن تهمه تعاطي المخدرات وفي القضية رقم 2620 جنایات الحبس سنة مع الإيقاف بالنسبة لتهمه السرقة الموجهه للمتهم رؤوف جلال ناصف كما حكمت المحكمة حضوريا بالنسبة للمتهم ماجد عفت السيد في القضية 2620 جنایات بالحبس سنة مع الإيقاف عن تهمه السرقة رفعت الجلسة يقف القاضي والجالسين على المنصة منصرفين إلى حجرة المداولة بالخلف بينما يتحدث الحاجب بصوت عالي

الحاجب : محكمة

يقف كل الحضور احتراماً تزغرد ثريا فرحة بينما يتكلم عفت بصوت عالي ومعهنادر وزملاء ماجد في الكلية معبرين عن فرحتهم

الجميع : يحيا العدل يحيا العدل

تتجه أسيل ناحية القفص

أسيل : مبروك البراءة يا ماجد مبروك

يتجه أهالي رؤوف ناحيته يبدو عليهم علامات الحزن مواسيين إياه يتحدث ماجد ممتنناً

ماجد : مش عارف أشكرك بأي شكل وأي طريقه

ترد عليه أسيل فرحة

أسيل : تشكرني أنك تروح كليتك وتشوف مذاكرتك وبعدين تيجي تتقدملي فاهم ولا مش فاهم

يرد عليها ماجد ملامسا يديها

ماجد : فاهم يا حبيبي طبعاً فاهم ونص

- نهاراً بحجرة نوم ماجد تدخل ثريا من باب الحجرة متجهة ناحية السرير تقترب رويداً رويداً تجلس

على حافة السرير تمد يدها نحو الغطاء تكشفه تظهر رأس ماجد ووجهه تنادي عليه ثريا مستعملة

يدها لإيقاظه

ثريا : قوم يا كسول قوم يلا قوووووم بقى يلا مالك كدا

يفتح ماجد عينيه ببطء منزعجاً

ماجد : هوا إحنا فين ,, خير اللهم اجعله خير

تضحك ثريا متهكمه

ثريا : إحنا في البيت هنكون فين يعني سلامتك مالك

يتثائب ماجد ممغطاً في عينيه

ماجد : يعني أنا مروحتش السجن ولا المحكمه

تضحك ثريا متهكمه واقفة من مكان جلوسها منصرفة من المكان

ثريا : سجن أيه ومحكمة أيه أيه التخريف ده قوم يلا علشان وراك امتحان الساعه تسعه هنتأخر

باباك عفت منتظرك بره على الفطار يلا قوام

تخرج ثريا من باب الحجرة يأخذ ماجد نفساً عميقاً ينزل ماجد من على السرير يمسك بهاتفه متصلاً

فيرن الجرس فتفتح أسيل الخط متحدثه بحماس

أسيل : انت لسه نايم يا أستاذ يلا الامتحان هيعدي منك إنت مش قولتلي إنك عايز تبقى الأول

على دفعتك وتعمل فيديو تحطه على اليوت يوب وتبقى الترنند

يضحك ماجد منتشياً مجيياً

ماجد : لا لا لا لا سيبك من موضوع الترنند ده خالص إحنا كده حلوين أوي رضا وزى الفل

مسافة السكه وجايلك حالا يا جبي

يغلق الهاتف يضعه على الكمدينو يتجه ماجد ناحية النافذة فاتحا إيها فتدخل الشمس الحجره

ناظراً في الخارج نحو حديقة مليئة بالأشجار والخضرة

يبتسم فرحاً آخذاً نفساً عميقاً

ماجد : يااااه حلم مزعج بشكل

النهاية

السيرة الذاتية

- محمد منصور على سلامه الجوهري

- مواليد 1982/2/27
- مواليد قرية ميت مرجا سلسيل - مركز ومدينة الجمالية - محافظة الدقهلية - جمهورية مصر العربية
- حاصل على ليسانس الشريعة القانون - شعبة القانون - جامعة الأزهر - فرع طنطا - جمهورية مصر العربية - بتقدير جيد تراكمي عام 2006
- لاعب كرة سابق بنادي اتحاد المنزلة الرياضي بمحافظة الدقهلية جمهورية مصر العربية
- حاصل على المركز السادس في كتابة الشعر على مستوى جامعة الأزهر والأول على مستوى كلية الشريعة والقانون فرع طنطا جامعة الأزهر عام 2004 في مسابقة رسمية من جامعة الأزهر خصص لها حفل تكريم بحضور العديد من عمداء الكليات
- نشر له العديد من قصائد الشعر بمجلة النجوم المصرية ومجلة الشباب المصرية
- نشر له ديوانين شعر فصحي على موقع " أريك أي بوك "
- الأول بعنوان : تاريخ امرأة
- والثاني بعنوان : لماذا الحب ؟
- نشر له خمسة روايات
- الرواية الأولى : بعنوان " كرسي العرش " بدار نشر كلمات بالمنصورة - جمهورية مصر العربية

عام 2015

- الرواية الثانية : بعنوان " بنات على خط النار " بدار نشر الراية بدولة الأردن 2016
- الرواية الثالثة : بعنوان " المقبرة " بدار نشر الخليج بدولة الأردن 2017
- الرواية الرابعة : بعنوان " أمنا الغولة " بدار نشر الراية بدولة الأردن 2019
- الرواية الخامسة : بعنوان " باراكودا " بدار نشر رقمنة الكتاب العربي - استوكهولم بدولة السويد

2020

- كاتب سيناريو الفيلم الأمريكي القصير " العقاب الأخير " إخراج أحمد الشاري
- ألف العديد من كلمات الأغاني الذي غناها بعض المطربين
- حصل على المركز الثالث ك ممثل بعمل مسرحي ارتجالي في مسابقة وزارة الشباب

والرياضة عام 2015

- يعمل محامي بالاستئناف العالي ومجلس الدولة
- وله مكتب محاماة خاص به عنوانه مدينة الجمالية - محافظة الدقهلية - جمهورية مصر العربية - ميدان الحطة
- البريد الالكتروني :

- [elgoharyl@gmail.com](mailto:elgoharyl@ gmail.com)
- [elgohary_2000@hotmail.com](mailto:elgohary_2000@ hotmail.com)
- T : 002 01225312210